



Nezavisni odbor
Broj: 01-05-3040-34/16
Sarajevo, 29.09.2016. godine

**SKUPŠTINA KANTONA SARAJEVO
S A R A J E V O**

PREDMET: Izvještaj o radu Policijskog komesara za period april-juni 2016.godine-
dostavlja se

Nezavisni odbor na sjednici održanoj 29.09.2016.godine, a u skladu s članom 45.
stav 3. Zakona o unutrašnjim poslovima Kantona Sarajevo ("Službene novine Kantona
Sarajevo" br.:1/16), dostavlja Izvještaj o radu Policijskog komesara za period april-juni
2016. godine, Skupštini Kantona Sarajevo kao informativni materijal.

PREDSJEDNIK NEZAVISNOG ODBORA

Domin Malbašić, s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044, Fax: + 387 (0) 33 562-210
Sarajevo, Reisa Džemaludina Čauševića 1



Na osnovu odredbi člana 33. i 34. Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16), Nezavisni odbor Skupštini Kantona podnosi

IZVJEŠTAJ O RADU POLICIJSKOG KOMESARA ZA PERIOD APRIL - JUNI 2016. GODINE

Nezavisni odbor, u vremenskom periodu april - juni 2016. godine, u skladu s ovlaštenjima datim odredbama člana 33. Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, u daljem tekstu: Zakon), kao i odredbama drugih relevantnih zakonskih i podzakonskih propisa, te u skladu sa Planom aktivnosti policijskog komesara u cilju unaprijeđenja rada Uprave policije u vremenskom periodu 2014. - 2018. godina, preuzimao je poslove i zadatke u cilju efikasnog praćenja rada Policijskog Komesara pri izvršavanju nadležnih poslova i zadataka iz člana 20. Zakona.

Tokom izvještajnog perioda, pored ostalog, Nezavisni Odbor je od strane Policijskog Komesara redovito izvještavan o poduzimanju sljedećih mjera i radnji:

Rad na pripremi i donošenje propisa, upravno rješevanje

U oblasti upravnog rješavanja, u zakonskom roku, Komesar je donosio odluke koje po odredbama Zakona o nabavljanju, držanju i nošenju oružja i municije ("Službene novine Kantona Sarajevo", br. 38/07, 43/08, 11/10 i 23/10) i drugih propisa spadaju u nadležnost Komesara, odnosno nadležnost Uprave policije.

U izvještajnom periodu, normativna djelatnost se obavlja u dva oblika: donošenje propisa po osnovu izričite zakonske odredbe ili dostavljanjem ministru nacrtu i prijedlogu propisa ili izmjenom i dopunom propisa iz djelokruga rada Uprave policije (član 23. stav (3), tačka d) Zakona).

U kontekstu odredbi čl. 93. i 94. Zakona, Komesar je poduzimao intenzivne aktivnosti na donošenju sljedećih propisa:

1. Uredba o osiguranju određenih ličnosti i objekata u Kantonu Sarajevo, dostavljen prijedlog ministru, u toku procedura donošenja od strane Vlade Kantona Sarajevo,
2. Uredba o disciplinskom postupku i disciplinskoj odgovornosti policijskog komesara, dostavljen prijedlog ministru, u toku procedura donošenja od strane Vlade Kantona Sarajevo,
3. Pravilnik o specijalnoj kasi, dostavljen prijedlog ministru koji je propis donio pod brojem I-01-31/16 od 10.05.2016. godine,
4. Instrukcija o pružanju pomoći drugim organima, dostavljen prijedlog ministru koji je propis donio pod brojem 01-255/16 od 10.05.2016. godine,
5. Pravilnik o pohvalama, priznanjima i nagradama uposlenika Ministarstva unutrašnjih poslova Kantona Sarajevo i Uprave policije, prijedlog dostavljen ministru 06.05.2016. godine,
6. Pravilnik o izvještavanju ministra o poduzetim aktivnostima Uprave policije koje imaju značaj za sigurnost građana i interese Kantona Sarajevo, prijedlog dostavljen ministru 23.06.2016. godine,
7. Pravilnik o unutrašnjoj organizaciji Ministarstva unutrašnjih poslova Kantona Sarajevo.

Dalje je izvještajem od Komesara ovaj Odbor je izvešten da je koordinirao rad radnih grupa na donošenju nacrtu novog Zakona o policijskim službenicima Kantona Sarajevo i Zakona o nabavljanju, držanju i nošenju oružja i municije te da je i neposredno učestvovao u radnim aktivnostima po ovim propisima.



web: <http://skupstina.ks.gov.ba>

e-mail: sks@ks.gov.ba

Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



Na prijedlog policijskog Komesara ministar je donio Pravilnik o izmjenama i dopunama Pravilnika o posebnim uniformama za policijske službenike koji obavljaju poslove i zadatke sprječavanja narušavanja javnog reda i mira u većem obimu, pripadnike kriminalističke policije, policijske službenike Jedinice za specijalističku podršku i dopunskim dijelovima jedinstvene policijske uniforme, a sve u cilju povećanja nivoa opremljenosti i sposobljenosti policijskih službenika Jedinice za specijalističku podršku za obavljanje specifičnih i izuzetno složenih zadataka u posebnim geografskim i klimatskim uslovima. Ovo se naročito odnosi na izvođenje izuzetno složenih operativno-taktičkih radnji koji se odnose otkrivanje i sprečavanje najsloženijih krivičnih djela organizovanog kriminala i sl.

Na osnovu prijedloga Komesara je donesen Pravilnik o specijalnoj kasi, broj I-01-31/16 od 10.05.2016. godine, koji će realizacijom i funkcionisanjem specijalne kase postati snažan instrument policijskim službenicima prilikom vršenja operativnih aktivnosti na sprječavanju i rasvjetljavanju najsloženijih krivičnih djela.

Komesar je nastavio s neposrednom koordinacijom i nadziranjem aktivnosti usmjerenе u pravcu donošenja novog Pravilnika o unutrašnjoj organizaciji Ministarstva unutrašnjih poslova Kantona Sarajevo, u okviru kojeg će se i dati prijedlog broja zaposlenika Uprave policije u skladu s evropskim standardima i potrebama Uprave policije kako bi ista mogla efikasno i blagovremeno izvršavati sve poslove i zadatke iz svoje nadležnosti. Dinamika ovih aktivnosti, u skladu s mišljenjem sekretara Ministarstva, uvjetovana je donošenjem Zakona o državnoj službi Kantona Sarajevo (u toku je skupštinska procedura).

Polički Komesar je predložio i izmjene i dopune propisa koji se odnosi na oznake na uniformi policijskih službenika (npr. umjesto metalne pločice čičak traka sa ličnim imenom policijskog službenika), čime se pojednostavljuje i pojednostavljuje policijska uniforma.

Od strane Komesara je donesen Elaborat i Naredbu za izvođenje taktičko-situacionog gađanja broj I-02/PK-1-105 od 06.04.2016. godine u cilju podizanja kvaliteta obuke, odnosno izvođenja taktičko-situacionog gađanja.

Komesar je participirao u sačinjavanju i predlaganju Uredbe o osiguranju određenih ličnosti i objekata u Kantonu Sarajevo, koja sadrži sve bitne sigurnosne i druge aspekte načina osiguranja određenih ličnosti i objekata u skladu s odlukom Vlade Kantona Sarajevo. Po donošenju ove Uredbe od strane Vlade Kantona Sarajevo slijedi njena dosljedna realizacija.

Upravno rješavanje

Tokom izvještajnog perioda, ažurno, prema planiranoj i datoј dinamici, u oblasti upravnog rješavanja Komesar je donosio odluke koje se odnose na radnopravni status svih 1637 zaposlenika Uprave policije od kojih su: policijski službenici 1456, državni službenici 16 i namještenici 165. Odluke su se najčešće odnosile na prava iz radnog odnosa (unaprijeđenja, dodjela činova, raspored, premještaj i sl.), prestanak radnog odnosa po svim zakonskim osnovama (prestanak radnog odnosa po osnovu odlaska u mirovinu, smrt i dr.). Inače, važećim Pravilnikom o unutrašnjoj organizaciji sistematizovano je ukupno 1789 zaposlenika u Upravi policije od čega 1579 policijskih službenika, 38 državnih službenika i 172 namještenika.

U izvještajnom periodu Komesar je šest rješenja o prestanku radnog odnosa (dva po osnovu smrti, četiri po osnovu ostvarivanja prava na penziju), zatim 24 rješenja o dodjeli naknade u slučaju teže bolesti policijskog službenika ili člana uže porodice i osam rješenja po kojima se odbijaju zahtjevi za dodjelu ovih naknada te 12 rješenja o dodjeli naknade u slučaju smrti člana uže porodice.



web: <http://skupstina.ks.gov.ba>

e-mail: sks@ks.gov.ba

Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



Donesena su od strane Komesara i 129 rješenja o godišnjem odmoru za 129 policijskih službenika koji se nalaze na probnom radu, a stekli su uslove za godišnji odmor, kao i rješenja o godišnjem odmoru za 16 državnih službenika i 165 namještenika.

Donio je odluku o unaprijeđenju u čin "samostalni inspektor" za šest policijskih službenika, a nakon okončane zakonite procedure.

Davao je izjašnjenja na tužbe po zahtjevima nadležnih organa, a najveći broj njih odnosio se na oblasti radnopravnih i imovinskopravnih sporova.

Nakon zakonito provedenih internih postupaka, u 2 slučaja izrekao je disciplinsku sankciju - novčanu kaznu u iznosu od 15% jedne osnovne mjesecne za ukupno 5 policijskih službenika, zbog počinjene lakše povrede radne dužnosti.

Pored navedenog, kadrovski i logistički podržavao je rad disciplinskih tijela (disciplinska komisija i tužilac), pratilo njihov rad i donesene odluke. S tim u vezi, donio je jedno rješenje kojim sam policijskog službenika imenovao za zamjenika disciplinskog tužioca.

Budžet i njegova realizacija

U okviru redovnih aktivnosti, shodno usvojenom budžetu, u dijelu koji se odnosi na Upravu policije, Komesar je preduzimao mjere i radnje na nabavci materijalno-tehničkih sredstava potrebnih za rad Uprave policije.

U skladu s Budžetskom instrukcijom broj 1, za izradu Dokumenta okvirnog budžeta za vremenski period 2017 - 2019. godine, od strane Komesara prema ministru unutrašnjih poslova upućen je obrazložen prijedlog Uprave policije koji se odnosi na dodatne zahtjeve Uprave policije za budžetskim sredstvima u navedenom vremenskom periodu, po pozicijama (plaće, naknade i doprinosi, izdaci za materijal i usluge, kapitalni izdaci), a radi njegovog dostavljanja Ministarstvu finansija Kantona Sarajevo.

Zajedničkim radom Komesara i ministara policije (Ismir Jusko i Vedran Mulabdić) je rezultiralo donošenjem Odluke o diobnom bilansu opreme i sitnog inventara Ministarstva i Uprave policije, broj 01-66/16 od 07.04.2016. godine. Donošenje ove Odluke je uvjet kvalitetne primjene čl. 6. i 7. Zakona koji se odnose na budžetski status Uprave policije i njenu ulogu i aktivnosti u oblasti pripreme i izvršenja budžeta.

Na zahtjev ministra i po potrebi, dostavljao je potrebne izvještaje, informacije i davao preporuke u vezi s realizacijom budžeta.

Edukacije, stručna usavršavanja i obuke pripradnika Uprave policije

Neposredno, kao i putem sektora i odjeljenja pratilo je realizaciju Plana i programa stručnog usavršavanja policijskih službenika Ministarstva unutrašnjih poslova Kantona Sarajevo za 2016. godinu, kao i Plana i programa stručnog osposobljavanja, usavršavanja i obrazovanja državnih službenika i namještenika Ministarstva unutrašnjih poslova Kantona Sarajevo za 2016. godinu.

U skladu s odredbama Protokola o saradnji Kantonalnog tužilaštva Kantona Sarajevo i Ministarstva unutrašnjih poslova Kantona Sarajevo od 02.06.2015. godine, Komesar je dao potrebne naloge u cilju realizacije obuka policijskih službenika kriminalističke policije od strane tužilaca Kantonalnog tužilaštva Kantona Sarajevo na temu unapređenja saradnje tužilaca i



ovlaštenih službenih lica Uprave policije u primjeni odredbi krivičnog zakonodavstva, s posebnim aspektom na analizu konkretnih primjera iz prakse (prepoznavanje lica i predmeta, pretres lica i objekata bez naredbe i s naredbom, oduzimanje imovinske koristi pribavljeni krivičnim djelom, uviđaj, posebne istražne radnje, krivično djelo organizovani kriminal, saslušanje maloljetnika-osteočenih, otvaranje i pregled privremeno oduzetih predmeta i dokumentacije i dr.). U izvještajnom periodu obuku je prošlo 166 policijskih službenika kako kriminalističke policije, tako i Odsjeka za saobraćajne istrage i Odjeljenja za unutrašnju kontrolu. Dana 26. i 27.05.2016. godine uz dogovor sa Komesarom od strane VSTV BiH i realizovana obuka za 30 policijskih službenika kriminalističke policije na temu "Kvalitet izvještaja o počinjenom krivičnom djelu". Po mišljenju Komesara ovi vidovi specijalističke obuke dat će dodatni doprinos kvalitetu rada Uprave policije na rasvjetljavanju svih, a naročito nasloženijih krivičnih djela.

Komesar je donio pet odluka o upućivanju policijskih službenika Uprave policije na obuku, seminare i edukaciju van granica Bosne i Hercegovine i to jednu o upućivanju u Republiku Češku i četiri u Arapsku Republiku Egipat.

Komesar je dao saglasnost za jednog policijskog službenika koji je u vremenskom periodu od 23. Do 26.05.2016. godine u Danilovgradu, po pozivu Policijske akademije Crne Gore, učestvovao u radu okruglog stola na temu "Krivično materijalno, procesno i prekršajno pravo".

U cilju podizanje kvaliteta obuke, odnosno izvođenja taktičko-situacionog gađanja, donesen je Elaborat i Naredbu za izvođenje taktičko-situacionog gađanja, broj I-02/PK-1-105 od 06.04.2016. godine. Taktičko-situaciono gađanje izvršilo je 1348 policijskih službenika, bez ijednog incidenta.

Zbog izuzetno složene sigurnosne situacije koja nalaže dodatne mjere sigurnosti i osiguranja objekata i mjere na sprečavanju najtežih krivičnih djela, dao je nalog za obuku i 100 policijskih službenika je obučeno za rukovanje dugocijevnim vatrenim oružjem.

Uprava policije kroz permanentnu obuku vrši kontinuiranu edukaciju policijskih službenika, državnih službenika i namještenika u oblasti borbe protiv korupcije, a upućivanjem policijskih službenika na tematske radne sastanaka (ad hoc ili kontinuirano), specijalističku obuku, seminare i sl. vrši se dodatno osposobljavanje i specijalizacije kadrovske potencijala u oblasti borbe protiv korupcije.

Saradnja sa tužiteljstvom, drugim sigurnosnim agencijama, medijima i ostalim društveno-političkim organizacijama i institucijama

Komesar je predstavljao je Upravu policije svojim neposrednim učešćem i radnim angažmanom kroz različite oblike kao što su sastanci, usmena i elektronska komunikacija, komunikacija s vladinim i nevladinim agencijama, međunarodnim organizacijama i predstavništвима, medijima, građanima i dr.

Komesar je dana 01.04.2016. godine, zajedno sa ministrom i direktoricom Uprave administracije i podrške, participirao u radnom sastanku sa predstavnicima Sindikata policije Kantona Sarajevo na temu preduzimanja potrebnih zajedničkih aktivnosti na poboljšanju statusa i uvjeta rada svih zaposlenika Uprave policije (policijski službenici, državni službenici i namještenici), te u tom smislu redovno održavao potrebne kontakte sa predstavnicima Sindikata policije Kantona Sarajevo čime je nastavljena praksa dobre saradnje.

Da je dana 09.06.2016. godine predvodio delegaciju Uprave policije na sastanku sa predstavnicima penzijsko-invalidskog osiguranja i predstavnicima OHR-a a povodom ujednačavanja odredbi Zakona o policijskim službenicima koje se odnose na pitanja penzijsko-



web: <http://skupstina.ks.gov.ba>

e-mail: sks@ks.gov.ba

Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



invalidskog osiguranja (uslovi odlaska u penziju, beneficirani radni staž, prestanak radnog odnosa po osnovu utvrđene invalidnosti i dr.).

Predstavljao je Upravu policije, odnosno ostvario saradnju sa Zakonodavno-pravnom i Komisijom za sigurnost Skupštine Kantona Sarajevo, kao i drugim organima radi donošenja propisa i po drugim pitanjima iz nadležnosti Uprave policije.

Sve preduzete konkretne aktivnosti, za vremenski periodu april - juni 2016. godine - preduzimao je uvažavajući prioritete određene od strane Vlade Kantona Sarajevo, uz saradnju sa ministrom Ismirom Juskom, a kasnije i Vedranom Mulabdićem (imenovan 30.05.2016. godine) sa kojim je izvršio zajednički obilazak i posjetu organizacionim jedinicama Uprave policije. Ovim neposrednim angažmanom zajednički je podržan i realizovan pilot projekat kada je riječ o kantonalnim ministarstvima unutrašnjih poslova, koji ide u pravcu potpune neovisnosti Uprave policije (policijskog organa) od bilo kakvog političkog uticaja.

Dalje, je izvjestio da je obavio niz konstruktivnih razgovora sa predstavnicima Ureda visokog predstavnika u Bosni i Hercegovini, Ministarstva pravde i uprave Kantona Sarajevo i Pravobranilaštva Kantona Sarajevo, a sve u cilju kako bi se iznašao pravi model i efikasno implementirale odredbe Zakona.

Redovno je učestvovao na sastancima Koordinacije direktora Federalne uprave policije i policijskih komesara kantonalnim ministarstvima unutrašnjih poslova, uzimao aktivno učešće i davao određene prijedloge o unapređenju saradnje između policijskih agencija na rješavanju sigurnosnih izazova i prijetnji. Zajedno sa ministrom, učestvovao sje u radu dva sastanka Koordinacije ministra unutrašnjih poslova Federacije Bosne i Hercegovine sa kantonalnim ministrima unutrašnjih poslova i direktorom Federalne uprave policije i policijskim komesarima (27. i 28.04.2016. godine u Sarajevu i 31.05. i 01.06.2016. godine u Bihaću), kojom prilikom, između ostalog, ostvario kontakte sa predstavnicima Ureda visokog predstavnika, Kancelarije EU i ICITAP-a. Na ovim sastancima razmatrana su pitanja od zajedničkog interesa za sigurnost na području Federacije Bosne i Hercegovine i u skladu s tim doneseni odgovarajući zaključci.

Dana 22.04.2016. godine predstavljao je Upravu policije Ministarstva na sastanku Udarne grupe za borbu protiv terorizma, uz napomenu da je ovom sastanku prisustvovao i direktor CIA.-e John Brennan.

Izvještavanja od strane Policijskog Komesara

Putem nadležnih sektora i odjeljenja, u skladu s odredbama Instrukcije o hitnom, tekućem, povremenom i statističkom izvještavanju u Ministarstvu unutrašnjih poslova Kantona Sarajevo, broj 01-296/01 od 22.11.2001. godine, preuzeo je mjere na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije. Prilikom obrade podataka postupa se po uspostavljenom sistemu zaštite osobnih podataka, kao i po dostignutom stepenu razvoja sistema zaštite tajnih podataka.

Izvještavao je redovno Komisiju za sigurnost Skupštine Kantona Sarajevo i Nezavisni odbor s akcentom na događaje koji su od posebnog interesa za sigurnost građana Kantona Sarajevo (otuđenja m/v, razbojništva, ubistva i dr.).

U izvještajnom periodu, na dnevnoj osnovi je izvještavao ministra o najznačajnijim aktivnostima koje je preduzimala Uprava policije, a koje imaju značaj za sigurnost građana i interes Kantona. Pored ovog segmenta, u skladu s odredbama Instrukcije o hitnom, tekućem, povremenom i statističkom izvještavanju u Ministarstvu unutrašnjih poslova Kantona Sarajevo, broj 01-296/01 od 22.11.2001. godine, preduzete su mjere i radnje na redovnom periodičnom kao i



web: <http://skupstina.ks.gov.ba>

e-mail: sks@ks.gov.ba

Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



hitnom i povremenom izvještavanju ministra o preduzetim aktivnostima Uprave policije. U ovom segmentu koordinirao je rad grupe na sačinjavanju prijedloga propisa koji će regulisati postupak izvještavanja ministra od strane policijskog komesara o događaju i preduzetim aktivnostima Uprave policije, a koji imaju značaj za sigurnost građana i interes Kantona. Dostavio je prijedlog propisa ministru dana 23.06.2016. godine, a donošenjem ovog propisa dodatno će se urediti oblast protoka informacija, izvještavanja, a samim tim i još više unaprijediti saradnja između rukovodioca Uprave policije i Ministarstva.

Neposredno ili putem Odjeljenja za odnose s javnošću redovno je informirao javnost o radu i aktivnostima Uprave policije. U tom smislu za vremenski period april - juni 2016. godine kako slijedi:

poslato dnevnih obavijesti pisanim i elektronskim medijima	496
poslato saopštenja za javnost	33
dato intervjua za elektronske medije	103
obavljeno intervjua za pisane medije	281
održano pres konferencija	2
gostovanje u TV i radio emisijama u studiju	46

Kontinuirano se unapređuje saradnja s elektronskim medijima, dnevnim i sedmičnim listovima u Bosni i Hercegovini i inostranstvu koji su objavili veći broj vijesti i intervjua u vezi s stanjem kriminaliteta, javnog reda i mira, sigurnosti saobraćaja, primjeni filozofije rada policije u zajednici, osiguranju javnih skupova na području Kantona Sarajevo, kao i svim drugim pitanjima iz nadležnosti Uprave policije.

Zvanična web stranica Ministarstva je kvalitetna, redovno se ažurira, te je jedna od najposjećenijih stranica ministarstava unutrašnjih poslova u Bosni i Hercegovini i regiji što pokazuju slijedeći parametri:

broj posjeta stranici	110.227
broj posjetilaca koji su prvi put posjetili stranicu	28.565
broj država iz koji je stranica posjećena	78
broj gradova u svijetu iz kojih je stranica posjećena	785

U skladu s odredbama
a Instrukcijama

međusobnom izvještavanju o pojavama u oblasti javne sigurnosti između Federalnog ministarstva unutrašnjih poslova i kantonalnih ministarstava unutrašnjih poslova o pitanjima koja su od interesa za sigurnost Federacije Bosne i Hercegovine, broj 09-1608 od 26.07.2007. godine, kao i drugih propisa i procedura, ispred Uprave policije Komesar je podnosio informacije i statističke podatke Federalnom ministarstvu unutrašnjih poslova, a naročito u vezi s poslovima iz zajedničke nadležnosti kantona i Federacije BiH, kao i poslovima iz nadležnosti Federacije koji su povjereni Ministarstvu, odnosno Upravi policije.

Tokom ovog izvještajnog perioda ostvarivena je redovito izvještavao Nezavisni odbor o rezultatima i prioritetima rada Uprave policije, te blagovremeno dostavljao tražene izvještaje i informacije o određenim događajima i postupcima.

Borba protiv korupcije, inspekcijski nadzor, problematika otuđenja motornih vozila i stanje sigurnosti

Ministarstvo, a u okviru njega i Uprava policije, usvojilo je niz strateških planskih dokumenata u oblasti borbe protiv korupcije (Strategija, Plan 2015. - 2019. i dr.).



web: <http://skupstina.ks.gov.ba>

e-mail: sks@ks.gov.ba

Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



Uprava policije je osigurala sve potrebne uvjete za rad Operativnog tima za borbu protiv korupcije, Jedinice za profesionalne standarde i nadležnog odjeljenja u Sektoru kriminalističke policije, neposredno vršio nadzor nad radom istih.

Na osnovu analize i procjene stanja sigurnosti na području Kantona Sarajevo, u skladu s odredbama Instrukcije o vršenju inspekcijskog nadzora, broj 01-415/09 od 05.06.2009. godine, Komesar je donio Naredbu za vršenje inspekcije broj 02/PK-1-65 od 15.03.2016. godine i odobrio je Plan vanredne inspekcije za 2016. godinu broj 02/1-3-27/16 od 15.03.2016. godine. Vanredni inspekcijski nadzor, kojeg zajednički sprovode inspektori Odjeljenja za inspekciju, koordinaciju i usmjeravanje Sektora uniformisane policije i inspektori za unutrašnju kontrolu Odjeljenja za unutrašnju kontrolu Jedinice za profesionalne standarde, ima za osnovni cilj osiguranje zakonitog, jedinstvenog i efikasnog izvršavanja poslova i zadataka i podsticanje unutrašnje discipline u svim organizacionim jedinicama Uprave policije. Krajnji cilj je podizanje stepena sigurnosti na području Kantona Sarajevo na još viši nivo. Ove aktivnosti nastaviti će se i u narednom vremenskom periodu.

Po izvještaju Komesara u prethodnom izvještajnom periodu date su napomene oko aktivnosti koje je sproveo povodom slučaja krivičnog djela ubistva Memić Dženana iz Ilidže koje se desilo dana 08.02.2016. godine u Ulici Velika aleja do broja 4., Općina Ilidža. Policijski službenici Uprave policije su u izvještajnom periodu pod nadzorom postupajućeg tužioca Kantonalnog tužilaštva Kanona Sarajevo rasvijetlili krivično djelo ubistvo na štetu Memić Dženana i tužilaštvu predali tri lica za koja je Kantonalni sud odredio pritvor, a nakon prekvalifikacije od strane tužilaštva jednoj od tri osobe je produžen pritvor, a ostale dvije su puštene.

Nakon analize i procjene stanja na području Kantona Sarajevo po pitanju problematike otuđenja motornih vozila, Komesar je donio Plan mjera i aktivnosti na sprečavanju otuđenja motornih vozila na području Kantona Sarajevo broj 02/OK-1-313/16 od 24.05.2016. godine. Uprava policije je planski pristupila provođenju operativno-taktičkih mjera i radnji na sprečavanju teških krađa motornih vozila, kao i drugih težih krivičnih djela (razbojništava, teških krađa i dr.) te je tokom izvještajnog perioda u dva navrata došlo do upotrebe smrtonosne sile (vatreno oružje) od strane policijskih službenika. U jednom slučaju sprečavanja izvršenja krivičnog djela otuđenja motornog vozila policijski službenici su upotrijebili smrtonosnu silu što je rezultiralo ranjavanjem jednog od dva izvršioca. Navedeni postupak upotrebe sile ocijenjen je kao zakoniti.

Takođe, u toku provođenja navedenih planskih aktivnosti, a nakon izvršenja krivičnog djela teške krađe u poslovni objekat, u toku bjekstva izvršilaca ovog teškog krivičnog djela, a nakon što je od istih upotrijebljeno vatreno oružje prema policijskim službenicima, od strane policijskih službenika Uprave policije upotrijebljena je smrtonosna sila kojom prilikom je jedno lice smrtno stradalo, a jedno povrijeđeno dejstvom vatrelog oružja. U ovom slučaju identifikovana su četiri izvršioca ovog krivičnog djela. Navedene postupke upotrebe sile ocijenjen je kao zakonit.

U okviru aktivnosti usmjerenih na rukovođenje Upravom policije, na dnevnoj osnovi, zajedno sa načelnicima policijskih uprava, razmatrana je problematika stanja sigurnosti na području svih policijskih uprava i u svim oblastima policijskog djelovanja (kriminalitet, javni red i mir, saobraćaj, javna okupljanja, pružanje pomoći - asistencije, rad policije u zajednici i dr.). U istom kontekstu ostvario je saradnju sa načelnicima Sektora uniformisane policije i Sektora kriminalističke policije.

Ostalo

U cilju obezbjeđenja neophodne municije, hemijskih i eksplozivnih sredstava, planiranih budžetskim zahtjevom Uprave policije za 2016. godinu (municija za potrebe intenzivirane obuke iz nastave naoružanja i gađanja policijskih službenika Jedinice za specijalističku podršku i Jedinice



web: <http://skupstina.ks.gov.ba>

e-mail: sks@ks.gov.ba

Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



za podršku, municija kalibra 40x46mm niske brzine, hemijska sredstva za pripadnike agencija za provođenje zakona koja su namijenjena za kontrolu nemira i borbu protiv kriminalnih aktivnosti s ciljem odvraćanja i rastjerivanja prekršitelja zakona, eksplozivna sredstva za obuku službenih pasa za detekciju eksploziva, municija za izvođenje taktičko-situacionih gađanja svih policijskih službenika), u izveštajnom periodu Komesar je ministru predložio pokretanje i provođenje odgovarajuće procedure javne nabavke, koja bi omogućila da sa odabranim dobavljačima mogu ugovarati isporuku određenih količina municije, hemijskih i eksplozivnih sredstava, a u skladu s utvrđenim prioritetima i raspoloživim finansijskim sredstvima za naredni vremenski period.

U okviru realizacije projekta proširenja stacionarnih radarskih uređaja u Kantonu Sarajevo, a vezano za osiguranje adekvatnog kancelarijskog prostora koji je preduslov za puštanje u rad novog proširenog radarskog sistema, od nadležne službe Komesar je zatražio da se vrijeme u kojem će biti sprovedena tenderska procedura za realizaciju proširenja stacionarnih radarskih uređaja, iskoristi za preuređenje prostora u objektu Jedinice za saobraćaj i njegovo prilagođavanje potrebama proširenja stacionarnog sistema i sistema videonadzora. Nakon ovoga, ministar unutrašnjih poslova je donio odluku o provođenju postupka dodjele ugovora putem konkurentskog zahtjeva za izvođenje radova na rekonstrukciji dijela objekta Jedinice za saobraćaj, a u izveštajnom periodu pokrenuta je procedura javne nabavke.

Preduzete su potrebne aktivnosti koje imaju za cilj pribavljanje saglasnosti Vlade Kantona Sarajevo vezano za obrazovanje komisija čije je formiranje određeno posebnim propisima i kako bi u tom pravcu mogao donositi zakonite odluke. Rezultat te aktivnosti je i Zaključak Vlade Kantona Sarajevo broj 02-05-17436-38/16 od 19.05.2016. godine kojim je data saglasnost na rješenja o uspostavljanju i rješenja o naknadi za rad Komisija u Upravi policije.

Komesar je izvestio da je u izveštajnom periodu participirao je u formiranju Komisije za donošenje novog Zakona o nabavljanju, držanju i nošenju oružja i municije koja za osnovni cilj ima donošenje zakona kojim se ispunjavanju evropski standardi u ovoj oblasti, a koji se naročito odnose na: definicije, kategorizaciju oružja, izgled isprava o oružju i kaznene odredbe. U ovom segmentu Komesar je održao više radnih sastanaka sa članovima Komisije iz sastava Uprave policije i davao konkretna usmjerenja, sugestije i prijedloge kako bi se sačinio što kvalitetniji zakon koji bi išao u pravcu podizanju nivoa sigurnosti građana koji žive, borave i kreću se na području Kantona Sarajevo. U toku su završne aktivnosti na donošenju nacrta. Predlagao je sastav komisija koje formira ministar.

Putem radnih grupa (npr. diobni bilans, podzakonska regulativa po osnovu Zakona o unutrašnjim poslovima Kantona Sarajevo i dr.), procjenom i najboljim korištenjem kadrovske kapaciteta u normativnom i stručnom pogledu, nastavio je davati doprinos u popunjavanju pravnih praznina i donošenju pravne regulative čiji će se efekti doći do punog izražaja u narednom izveštajnom periodu.

Putem nadležnog Sektora, odnosno Odjeljenja za posebne namjene po potrebi i u skladu sa zakonskom procedurom raspisivao je kantonalne potrage i oglašavao raspisane potrage.

Sve naprijed navedene aktivnosti, provodio su u pravcu što veće demokratizacije u radu policije, zaštite ljudskih prava i sloboda građana koji žive, borave i kreću se na području Kantona Sarajevo i postizanja što većeg nivoa sigurnosti građana Kantona Sarajevo.

**Predsjedavajući
Domin Malbašić**



web: <http://skupstina.ks.gov.ba>

e-mail: sks@ks.gov.ba

Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1

